



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 04-04-20702-96/20 KM  
Sarajevo, 16.07.2020. god.

**SKUPŠTINA KANTONA SARAJEVO**  
**SARAJEVO**

**PREDMET: Odgovor na „Zastupničku inicijativu“**

U prilogu dopisa dostavljamo Vam odgovor na pokrenutu zastupničku inicijativu dana 01.07.2020. godine, u skladu sa članom 106. Poslovnika Skupštine Kantona Sarajevo, a od strane zastupnika Elvise Vrete.

**Inicijativa:**

„Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornim ministarstvima upućujem inicijativu da sa izvrši produženje subvencioniranja cijene koštanja karti u javnom prevozu do kraja ove godine kako bi usluga za korisnike ostala na istom nivou koštanja kao u prvoj polovici ove godine. Radi se o nezaposlenim građanima, penzionerima, đacima osnovne i srednje škole i studentima ili da se sporazum o privremenom utvrđivanju stvarne cijene koštanja komunalne usluge javnog prevoza putnika na području Kantona Sarajevo stavi van snage.

**Obrazloženje**

Sporazum o privremenom utvrđivanju stvarne cijene koštanja komunalne usluge javnog linijskog prijevoza putnika na području Kantona Sarajevo kojim je sada povećana cijena karte za nezaposlene sa 12 na 30 KM potpisan je u januaru ove godine. Subvencioniranje od strane Vlade Kantona dijela cijene koštanja karti trajalo je do 30. juna, što je omogućilo da cijena karti za navedene kategorije ostane na istom nivou. Obzirom da nije predviđen iznos za subvencioniranje u drugoj polovini godine, tražim od Vlade da isti preraspodjelom sredstava obezbjedi ili da navedeni sporazum stavi van snage. Stanje u kojem se nalazimo i zbog pandemije je dodatno opterećenje, posebno za nezaposlene kao i za ostale navedene kategorije korisnika. Tražim da hitno reagujete i izjasnite se o inicijativi sa predložena dva načina rješavanja navedenog pitanja.”

**Odgovor :**

Odredbama člana 22. stav (5) navedenog Zakona propisano je da validnost kalkulacije i konačan prijedlog visine cijene komunalnih usluga utvrđuje neovisno stručno tijelo Vlade Kantona, Grada odnosno općine, a stvarnu cijenu komunalnih usluga određuje i usvaja Vlada Kantona, gradsko odnosno općinsko vijeće, u skladu sa nadležnostima iz čl. 7., 8. i 9. ovog zakona.



Cijeneći navedene odredbe Zakona o komunalnim djelatnostima, Vlada Kantona Sarajevo je rješenjem broj: 02-05-29180-5/19 od 25.07.2019. godine imenovala Neovisno stručno tijelo za validnost kalkulacije i konačan prijedlog visine cijene karte u javnom linijskom prijevozu putnika u Kantonu Sarajevo sa zadatkom da dostavi Vladi Kantona Sarajevo validnost kalkulacije i konačan prijedlog visine cijene komunalnih usluga za korištenje javnog linijskog prijevoza putnika u Kantonu Sarajevo radi utvrđivanja stvarne cijene komunalnih usluga.

Neovisno stručno tijelo je shodno navedenom rješenju održalo sastanke na kojima je razmatran materijal dostavljen od strane KJKP "Gras" d.o.o. Sarajevo kao davaoca komunalne usluge. Članovi Neovisnog stručnog tijela su zajednički sagledali troškove usluge javnog linijskog prijevoza putnika, kao i trenutne uslova na tržištu, a na bazi dostavljenih materijala i urađenog istraživanje Ministarstva saobraćaja Kantona Sarajevo „Utvrdivanje strukture korisnika usluga javnog prijevoza u vozilima KJKP GRAS d.o.o.“, Neovisno stručno tijelo je sačinilo Mišljenje o validnosti kalkulacije cijene javnog linijskog prijevoza putnika, te predložilo korekciju cijena i potpisivanje Sporazuma sa prijevoznicima koji obavljaju javni linijski prijevoz putnika na „Mreži linija javnog linijskog prijevoza putnika na području Kantona Sarajevo“, gdje će sve strane potpisnice biti saglasne sa utvrđenom cijenom koštanja prijevoznih usluga i da je ista utvrđena u skladu sa odredbama člana 22. Zakona komunalnim djelatnostima Kantona Sarajevo kao stvarna cijena koštanja, što je detaljno obrazloženo u navedenom Mišljenju.

Vlada Kantona Sarajevo je na sjednici održanoj 30.12. 2019. godine donijela zaključak broj: 02-05-44303-32/19 i zaključak broj: 02-05-44303-31/19 kojim je usvojila cijene komunalne usluge u javnom linijskom prijevozu putnika u Kantonu Sarajevo, a kako slijedi:

Naziv karte	Broj zona za koje karta važi	Cijena sa PDV
	N [zona]	$1,17 \cdot C_{ij}^k$ [KM]
Penzioneri	Jedinstvena karta za sve zone	28,00
Nezaposleni	Jedinstvena karta za sve zone	30,00
Studenti	Jedinstvena karta za sve zone	45,00
Đaci (osnovna škola)	Samo karta za jednu zonu	26,00
Đaci (srednja škola)	1	45,00
Đaci (srednja škola)	2	59,00
Đaci (srednja škola)	3	65,00
Đaci (srednja škola)	4	75,00

**Ostale cijene karata ostaju nepromijenjene.**

**U skladu sa zaključkom Vlade Kantona broj: 02-05-44303-32/19 potpisan je sporazum sa prijevoznicima 03.01.2020.godine**

Naredbom pod brojem: 12-40-6-148-25/20 od 19.03.2020. godine Federalnog štaba civilne zaštite, zbog pandemije Corona virusa, obustavljen je obavljanje javnog prijevoza putnika na području FBiH a time i u Kantonu Sarajevo. Nakon skoro dva mjeseca, počev od 15.05.2020. godine, a u skladu sa Naredbom pod brojem: 12-40-6-148-163/20 od 12.05.2020. godine Federalnog štaba civilne zaštite, planirano je da se ponovo uspostavi javni linijski prijevoz putnika na području Kantona Sarajevo u reduciranom ali i u ovome momentu optimalnom broju polazaka na registrovanim redovima vožnje.

Kako bi se izvršile adekvatne pripreme za početak organiziranja javnog linijskog prijevoza putnika na području Kantona Sarajevo uz poštivanje svih higijensko – epidemioloških mjera u okolnostima opasnosti od širenja virusa COVID 19, potrebno je utvrditi protokole ponašanja svih



web: <http://ms.ks.gov.ba>

e-mail: [ms@ms.ks.gov.ba](mailto:ms@ms.ks.gov.ba)

Tel: + 387 (0) 33 562-058, + 387 (0) 33 562-059

Sarajevo, Reisa Džemaludina Čauševića 1

učesnika u saobraćaju počev od operatera i njihovih uposlenika pa sve do ponašanja korisnika odnosno putnika.

Organizacija svih vidova javnog linijskog prijevoza putnik definirat će se u direktnom dogovoru prijevoznika KJKP "GRAS" d.o.o. Sarajevo, Centrotrans Eurolines d.d. Sarajevo i Ministarstva saobraćaja Kantona Sarajevo (u daljem tekstu Ministarstvo). U tom cilju formiran je Radna grupa koju čine predstavnici prijevoznika i Ministarstva sa zadatkom da u narednom periodu, pored utvrđivanja optimalnog broja polazaka na pojedinim linijama, utvrdi i dodatnu organizaciju i protokol samog korištenja prijevoznih sredstava od strane korisnika usluga kao i zaštite njihovog zdravlja, zdravlja voznog te drugog osoblja prijevoznika.

Ministarstvu saobraćaja putem Radne grupe prati epidemiološku situaciju i u saradnji sa prijevoznivima koji obavljaju javni linijski prijevoza putnika na području Kantona Sarajevo organizuje prijevoz u skladu sa preporukama Zavoda za javno zdravstvo FBiH koje se odnose na mjere prilikom prijevoza putnika vozilima javnog linijskog prijevoza putnika tokom epidemije koronavirusa (COVID-19).

### **U cilju obezbjedenja redovnog i kvalitetnog prijevoza putnika u Kantonu Sarajevo Vlada Kantona Sarajevo je donijela zaključak:**

1. Prima se na znanje Informacija o organizaciji javnog linijskog prijevoza putnika na području Kantona Sarajevo u uslovima opasnosti od širenja virusa COVID 19.
2. Nalaže se Ministarstvu saobraćaja da prati epidemiološku situaciju i u saradnji sa prijevoznivima koji obavljaju javni linijski prijevoza putnika na području Kantona Sarajevo organizuje prijevoz u skladu sa preporukama Zavoda za javno zdravstvo FBiH koje se odnose na mjere prilikom prijevoza putnika vozilima javnog linijskog prijevoza putnika tokom epidemije koronavirusa (COVID-19).
3. U cilju smanjenja mogućnosti prenošenja virusa COVID 19 te eliminiranja gužvi na prodajnim mjestima prijevoznika koje bi se stvarale prilikom kupovine, odnosno preuzimanja kupona mjesečnih karata obezbijediti da penzionerima, studentima, đacima, slijepim i slabovidnim licima koji posjeduju subvencionirani kupon mjesečne karte za Mart mjesec, pored produženja važenja u periodu od 15. do 30.05.2020. godine, produžit će se važnost kupona i za mjesece Juni, Juli i August 2020. godine.
4. Na ime naknade za prijevoz penzionera, studenata, đaka, slijepih i slabovidnih lica za mjesece Juni, Juli i August 2020. godine Ministarstvo će prijevoznicima, na bazi ispostavljene fakture isplaćivati pripadajuće subvencije, a za mjesec Maj 1/5 iznosa fakture za Mart mjesec.
5. Za realizaciju ovog Zaključka zadužuje se Ministarstvo saobraćaja Kantona Sarajevo, KJKP "GRAS" d.o.o. Sarajevo i Centrotrans Eurolines d.d. Sarajevo.

Prijevoznici KJKP "GRAS" d.o.o. Sarajevo i Centrotrans Eurolines d.d. Sarajevo su svojim izjavama potvrdili da na ime naknade za prijevoz penzionera, studenata, đaka, slijepih i slabovidnih lica za mjesece Juni, Juli i August 2020. godine **neće naplaćivati novčani dio koji plaća korisnik za pretplatne karte koje su izdate za Mart mjesec a kojima se produžava period važnosti, odnosno taj dio troška snosit će sami prijevoznici.**

Tako da su kategorije korisnika penzioneri, studenti, đaci osnovnih i srednjih škola, slijepa i slabovidna lica koja posjeduju subvencionirani kupon mjesečne karte za Mart mjesec oslobođeni od plaćanja bilo kakve naknade za dio mjeseca Maja kao i za mjesece Juni, Juli i August.



web: <http://ms.ks.gov.ba>

e-mail: [ms@ms.ks.gov.ba](mailto:ms@ms.ks.gov.ba)

Tel: + 387 (0) 33 562-058, + 387 (0) 33 562-059

Sarajevo, Reisa Džemaludina Čauševića 1

Za kategoriju nezaposlenih osoba mjesečna pretplatna karta je iznosila 12,00 KM a iznos je plaćao krajnji korisnik, nova usvojena mjesečna pretplatna karta je 30,00 KM i Vlada Kantona je zaključkom broj: 02-05-44303-32/19 utvrdila:

“ Privremene cijene Javnog prevoza stupaju na snagu danom potpisivanja Sporazuma o privremenom utvrđivanju stvarne cijene koštanja javnog prevoza sa svim prijevoznicima koji obavljaju javni prijevoz u Kantonu Sarajevo osim za kategorije korisnika nezaposlenih lica koja stupa na snagu od 01.07.2020. godine”,

a zaključkom broj: 02-05-44303-31/19 utvrdila:

“Privremene cijene javnog prevoza stupaju na snagu danom potpisivanja Sporazuma o privremenom utvrđivanju stvarne cijene koštanja javnog prijevoza sa svim prijevoznicima koji obavljaju javni prijevoz u Kantonu Sarajevo, osim kategorije korisnika nezaposlenih lica koja stupa na snagu od 01.07.2020. godine. Pomenutim Zaključkom zadužuju se Ministarstvo saobraćaja Kantona Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo da odgovarajućim odlukama reguliše subvencioniranje cijena karata za ovu kategoriju korisnika.

U skladu sa zaključkom Vlade Kantona broj: 02-05-44303-31/19, zaključkom Vlade Kantona broj: 02-05-44303-32/19 i Budžetom Kantona Sarajevo utvrđen je procenat subvencije za mjesečnu kartu za nezaposlene osobe tj. dio koji se subvencionira kao i dio karte koji plaća korisnik, isto je iskazano u slijedećoj tabeli:

Zona	Plaća korisnik [KM]	Visina subvencije [KM]	Cijena karte [KM]
Jedinstvena zona na području Kantona Sarajevo	20,00 KM	10,00 KM	30,00 KM

Shodno gore navedenom upućen je materijal prema Vladi Kantona Sarajevo da donese Uredbu u skladu sa naprijed navedenim.

Ministarstvo saobraćaja će i u narednom periodu putem Radne grupe prati epidemiološku situaciju i u saradnji sa prijevoznicima koji obavljaju javni linijski prijevoza putnika na području Kantona Sarajevo i organizovati prijevoz u skladu sa preporukama Zavoda za javno zdravstvo FBiH koje se odnose na mjere prilikom prijevoza putnika vozilima javnog linijskog prijevoza putnika tokom epidemije koronavirusa (COVID-19), a u skladu sa Budžetom Kantona Sarajevo dostavljati informacije Vladi Kantona Sarajevo kako bi Vlada Kantona Sarajevo mogla kvalitetno utvrditi preraspodjelu cijene komunalne usluge tj. utvrditi u skladu sa Budžetom Kantona Sarajevo visinu dijela cijene koji će se subvencionirati za pojedine kategorije korisnika kao i visinu dijela cijene koji će plaćati korisnik za period od 01.09. 2020. godine.

S poštovanjem,

Dostaviti:

- ① Skupština Kantona Sarajevo
- Vlada Kantona Sarajevo
- evidencija
- arhiva



web: <http://ms.ks.gov.ba>

e-mail: [ms@ms.ks.gov.ba](mailto:ms@ms.ks.gov.ba)

Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1